

## Luf-tscherver en Partenz/Signuradi

(Iq) En la regiun Partenz/Signuradi viva almain in luf-tscherver. Quel è vegnì fotografà dad ina camera da falla sur Jenins. Probabel dettia en Purtenz in segund luf-tscherver. Quai ha *Hannes Jenny* da l'uffizi per chatscha e pesca confermà. Divers indizis haja ins già dapi tschintg onns. Chatschadurs hajan er già vesì il luf-tscherver ed ins haja er chattà fastizs. La derivanza dals animals saja intscherta. L'inspectorat da chatscha suppona che quels lufs-tscherver vegnian u da la populaziun ch'ins haja mess or en la Svizra nordorientala u dal Vorarlberg. En il Grischun èn lufs-tscherver nagin novum. En la Sur-selva vivan dapi divers onns plirs lufs-tscherver. La confermaziun ha ins là dapi l'onn 1996. Problems cun ils lufs-tscherver datti nagins, damai che quels vivan da selvaschinas e laschan en ruaus ils animals da chasa.